

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj 7/10), na prijedlog Ministarstva za pravosuđe i upravu, Vlada Zeničko-dobojskog kantona, na 75. sjednici, održanoj 27.10.2016. godine, d o n o s i

ZAKLJUČAK

I

Usvaja se Informacija o ostvarenim uštedama troškova pružanja PTT usluga za budžetske korisnike Ministarstva za pravosuđe i upravu.

II

Obavezuju se Općinski sud u Zenici, Općinski sud u Kaknju i Općinski sud u Tešnju da pokrenu proceduru zapošljavanja u skladu sa važećim propisima.

III

Zaključak stupa na snagu danom donošenja

Broj: 02-_____/16.

Datum, 27.10.2016. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za pravosuđe i upravu,

1x sudovi (putem ministarstva),

1x a/a.

INFORMACIJA

o ostvarenim uštedama troškova pružanja PTT usluga za
budžetske korisnike Ministarstva za pravosuđe i upravu

Ministarstvo za pravosuđe i upravu u cilju provođenja mjera štednje budžetskih sredstava, predložilo je Vladi Zeničko-dobojskog kantona racionalizaciju troškova PTT usluga, koji nastaju u radu sudova, a i zbog povećanog obima poslova koje imaju sudovi, posebno kad su u pitanju komunalni predmeti. Imajući u vidu visinu sredstava koja su se izdvajala iz budžeta za ove usluge, pretpostavka je bila da bi se angažovanjem većeg broja sudskih dostavljača, na poslovima dostavljanja pismena, postiglo smanjenje troškova PTT usluga što bi rezultiralo većim uštedama u budžetu.

Vlada Zeničko-dobojskog kantona, imajući u vidu svrhu naprijed navedenog, usvojila je Informaciju o troškovima pružanja PTT usluga za budžetske korisnike, Ministarstva za pravosuđe i upravu, sa prijedlogom mjera za moguće smanjenje troškova, te Zaključkom broj 02-14-14734/15, od 22.07.2015. godine, odobrila upošljavanje kurira-dostavljača na određeno vrijeme u trajanju od šest mjeseci i to:

Općinskom sudu u Zenici	4 izvršioca,
Općinskom sudu u Visoko	3 izvršioca,
Općinskom sudu u Zavidovićima	2 izvršioca (1 Zavidovići i 1 Maglaj),
Općinskom sudu u Kaknju	1 izvršilac,
Općinskom sudu u Tešnju	1 izvršilac,
Općinskom sudu u Žepču	1 izvršilac,
ukupno:	12 izvršilaca

Upošljavanje su po ovom osnovu izvršila tri suda:

Općinski sud u Zenici	4 izvršioca (od 12.10.2015-29.02.2016.)
Općinski sud u Kaknju	1 izvršioca (od 23.11.2015-23.05.2016.)
Općinski sud u Tešnju	1 izvršioca (od 09.11.2015-14.03.2016.)
Ukupno:	6 izvršioca

U skladu sa tačkom IV Zaključka ovi sudovi su dostavili izvještaje o njegovoj realizaciji i efektima. Iz dostavljenih izvještaja konstatovano je da su ostvarene uštede po sudovima bile:

Općinski sud u Zenici

Broj uručenih pismena	14.785
Cijena uručenih pismena putem pošte bile bi	54.704,50 KM
<u>Troškovi sudskih izvršitelja</u>	<u>19.488,47 KM</u>
Ušteda	35.216,03 KM

Općinski sud u Tešnju

Broj uručenih pismena	50/dnevno
Cijena uručenih pošiljki putem pošte iznosila bi	14.234,40 KM
<u>Troškovi sudskog izvršitelja</u>	<u>4.342,37 KM</u>
Ušteda	9.892,03 KM

Općinski sud u Kaknju

Broj uručenih pismena (do 16.03.)	3.642 (dnevno/ 52)
Cijena uručenih pošiljki putem pošte iznosila bi	13.839,60 KM
<u>Troškovi sudskog izvršitelja</u>	<u>3.098,53 KM</u>
Ušteda	10.741,07 KM

Troškovi za uposlene dostavljače u ovom periodu za navedene sudove iznosili su:

Općinski sud u Zenici (4 izvršioca)	19.488,47 KM
Općinski sud u Kaknju (1 izvršioca)	3.098,53 KM
<u>Općinski sud u Tešnju (1 izvršioca)</u>	<u>4.342,37 KM</u>
Ukupno:	26.929,37 KM,

dok bi troškovi za poštanske usluge za uručena pismena u navedenom periodu iznosili:

Općinski sud u Zenici	54.704,50 KM
Općinski sud u Kaknju	13.839,60 KM
<u>Općinski sud u Tešnju</u>	<u>14.234,40 KM</u>
Ukupno:	82.778,50 KM

Kako je na osnovu dostavljenih izvještaja bila evidentna ušteda u Budžetu Zeničko-dobojskog kantona za navedeni period u iznosu od **55.849,13 KM.** (82.778,50 KM - 26.929,37 KM), Vlada je odobrila ponovno upošljavanje kurira-dostavljača na određeno vrijeme u trajanju od šest mjeseci i to:

- Općinskom sudu u Zenici 4 (četiri) izvršioca,
- Općinskom sudu u Kaknju 1 (jedan) izvršilac,
- Općinskom sudu u Tešnju 1 (jedan) izvršilac,

Na osnovu dostavljenih izvještaja od sudova kojima je odobreno ponovno zapošljavanje postignuti su slijedeći finansijski efekti:

Općinski sud u Zenici

Broj uručenih pismena	16.150
Cijena uručenih pismena putem pošte bile bi	59.755,00 KM
<u>Troškovi sudskih izvršitelja</u>	<u>25.820,01 KM</u>
Ušteda	33.934,99 KM

Općinski sud u Kaknju

Broj uručenih pismena (od 17.03.do 30.09)	7.074
Cijena uručenih pošiljki putem pošte iznosila bi	26.881,20 KM
<u>Troškovi sudskog izvršitelja (kurir)</u>	<u>6.462,00 KM</u>
Ušteda	20.419,20 KM

Općinski sud u Tešnju (period 10.08.- 30.09.2016)

Broj uručenih pismena oko	13/dnevno
Uručene pošiljke u vrijednosti	1.839,60 KM
Troškovi sudskog izvršitelja	2.122,00 KM

Troškovi za uposlene dostavljače u drugom periodu upošljavanja za navedene sudove iznose:

Općinski sud u Zenici (4 izvršioca)	25.820,01 KM
Općinski sud u Kaknju (1 izvršioca)	6.462,00 KM
Općinski sud u Tešnju (1 izvršioca)	2.122,00 KM
Ukupno	34.404,01 KM

Troškovi za poštanske usluge za uručene pisma u navedenom periodu iznosili bi:

Općinski sud u Zenici	59.755,00 KM
Općinski sud u Kaknju	26.881,20 KM
Općinski sud u Tešnju	1.839,60 KM
Ukupno:	88.475,80 KM

Za drugi period upošljavanja sudskih dostavljača ostvarena ušteda u budžetu iznosi **54.074,79KM.** (88.475,80 KM - 34.404,01 KM),

Na osnovu dostavljenih izvještaja može se konstatovati da je predloženom mjerom ostvarena ušteda u Budžetu Zeničko-dobojskog kantona kako slijedi:

I period upošljavanja.....ušteda iznosi	55.849,13 KM
II period upošljavanja.....ušteda iznosi	54.071,79 KM
UKUPNA UŠTEDA	109.920,92 KM

Ministarstvo za pravosuđe i upravu na osnovu naprijed navedenog konstatuje da je, rukovodeći se obavezama utvrđenim u Programu mjera štednje Vlade Zeničko-dobojskog kantona za 2015. godinu da se u cilju maksimalne štednje budžetskih sredstava poduzimaju aktivnosti sa konkretnim mjerama, predloženom mjerom upošljavanja sudskih dostavljača ostvarena evidentna ušteda budžetskih sredstava, u ukupnom iznosu od 109.920,92 KM

Cijeneći važnost kontinuiteta u ostvarivanju uštede i u narednom periodu predlažemo da Vlada Komisiji za davanje prethodne saglasnosti za popunu upražnjenih radnih mjesta u kantonalnim organima uprave i ostalim organima/ustanovama, koji se u cjelosti ili djelimično finansiraju iz budžeta Zeničko-dobojskog kantona, odobri davanje saglasnosti radi upošljavanja kurira-dostavljača na neodređeno vrijeme.

- Općinskom sudu u Zenici četiri izvršioca,
- Općinskom sudu u Kaknju jedan izvršilac,
- Općinskom sudu u Tešnju jedan izvršilac.

MINISTAR

Mirnes Bašić